

**«Мемлекеттік аудит шеңберінде ұлттық ресурстарды пайдаланудың тиімділігі мен нәтижелілігін бағалау мәселелері» тақырыбындағы Халықаралық дөңгелек үстел**

Бағдарламалық-нысаналы жоба шеңберінде (ЖТН BR21882352 «Мемлекеттік аудитті дамытудың жаңа парадигмасы мен тұжырымдамасын әзірлеу, ұлттық ресурстарды басқару және басқару сапасын бағалау жүйесін жақсарту бойынша ұсынымдарды әзірлеу») 2023 жылғы 21 желтоқсанда «Мемлекеттік аудит шеңберінде ұлттық ресурстарды пайдаланудың тиімділігі мен нәтижелілігін бағалау мәселелері» тақырыбында халықаралық дөңгелек үстел өтті, дөңгелек үстел ұйымдастырушылары Әл-Фараби атындағы ҚазҰУ Экономика және бизнес Жоғары мектебінің «Қаржы және есеп» факультеті кафедрасы және «Зерттеулер, талдау және тиімділікті бағалау орталығы» ЖШС.




Халықаралық дөңгелек үстелге қатысушыларға э.ғ. к. Әл-Фараби атындағы Экономика және бизнес Жоғары мектебінің деканы, қауымдастырылған профессор Бимендиева Лейла Абдрашовна және «Зерттеулер, талдау және тиімділікті бағалау орталығы» ЖШС директоры Нұрлан Мұхтарбекұлы Ыбырайым құттықтау сөз сөйлеп, талқылауға ұсынылған тақырыптың маңыздылығын атап өтті.



Отырыс барысында зерттеушілер технологиялық трансформация жағдайында мемлекеттік аудитті дамытудың жаңа парадигмасы мен тұжырымдамасын дамыту перспективаларын талқылады, мемлекеттік аудиттің тиімділігіне кедергі келтіретін ықтимал мәселелерді көтеріп, сапаны бағалау мен басқару жүйесін жақсарту және ұлттық ресурстарды тиімді пайдалану жолдарын атап өтті.

Э.ғ.д., Л. Н. Гумилев атындағы ЕҰУ профессоры Ляззат Мыктыбековна Сембиева «Жаңа парадигманы дамыту перспективалары және мемлекеттік аудитті дамыту тұжырымдамасы» тақырыбындағы баяндамасымен Халықаралық дөңгелек үстел іс-шарасын ашты.



Халықаралық дөңгелек үстелге Еуропа мен ТМД елдерінің сарапшылары қатысып, Түркия, Польша және Өзбекстандағы ұлттық

ресурстарды мемлекеттік басқарудың жай-күйі мен болашағы туралы өз пікірлерімен бөлісті.



Тыңдаған баяндамалардың нәтижелері бойынша халықаралық дөңгелек үстелге қатысушылар қорытындылар жасап, идеялармен алмасты және одан әрі зерттеудің негізгі бағыттарын талқылады. Сарапшылардың айтуынша, Қазақстанда жүргізіліп жатқан реформалар бүкіл посткеңестікте бұрын-соңды болмаған, бірегей реформа болып табылады.